

**PEMBERITAHUAN PERTANYAAN BUKAN LISAN DEWAN RAKYAT
MESYUARAT PERTAMA, PENGGAL KEDUA
PARLIMEN KEEMPAT BELAS**

PERTANYAAN : BUKAN LISAN

**DARIPADA : TAN SRI DATUK SERI PANGLIMA HAJI
ANNUAR BIN HAJI MUSA [KETEREH]**

SOALAN NO. 87

Tan Sri Datuk Seri Panglima Haji Annuar bin Haji Musa [Ketereh] minta **MENTERI PENDIDIKAN** menyatakan pecahan pemberian bantuan kewangan kepada semua sekolah daif, tahfiz dan sekolah persendirian yang telah diluluskan sehingga ke Februari 2019 dan apakah bentuk kajian yang telah dilakukan dalam memastikan setiap bantuan yang diberikan adalah memenuhi keperluan sekolah berkenaan.

JAWAPAN

Untuk makluman Ahli Yang Berhormat,

Kerajaan sentiasa berusaha untuk memastikan infrastruktur sekolah berada dalam keadaan kondusif untuk pengajaran dan pembelajaran. Peruntukan kewangan yang diluluskan untuk menaik taraf dan pembangunan semula bangunan sekolah daif untuk tahun 2016 hingga 2019 adalah seperti yang berikut:

BIL.	WILAYAH	JUMLAH PERUNTUKAN
1.	Semenanjung	RM351 juta
2.	Sarawak	RM557.1 juta
3.	Sabah	RM398.9 juta

NO. SOALAN: 87

Berhubung bantuan kewangan kepada sekolah tahfiz dan sekolah persendirian, bantuan kewangan yang diberikan oleh Kementerian Pendidikan Malaysia (KPM) adalah untuk Sekolah Kerajaan dan Sekolah Bantuan Kerajaan sahaja. Hal ini adalah selaras dengan Surat Pekeliling Kewangan (SPK) yang berkuat kuasa, iaitu hanya Sekolah Kerajaan dan Sekolah Bantuan Kerajaan sahaja yang layak terima bantuan kewangan daripada KPM. Ini bermaksud mana-mana sekolah persendirian tidak termasuk dalam jenis sekolah yang menerima bantuan kewangan daripada KPM.

Walau bagaimanapun, penyediaan peruntukan bagi penyelenggaraan Sekolah Menengah Persendirian Cina (SMPC), pertama kalinya telah diluluskan pada tahun 2019 dengan jumlah peruntukan sebanyak RM12juta. Bantuan ini disalurkan terus oleh Kementerian Kewangan kepada SMPC. Kementerian Kewangan juga meluluskan peruntukan tambahan sebanyak RM25juta bagi menaik taraf dan menyelenggara Sekolah Agama Rakyat dan Sekolah Agama Persendirian bagi tahun 2019. Bagi Sekolah Agama Bantuan Kerajaan, sebanyak RM50juta telah disalurkan di bawah peruntukan Tabung Penyelenggaraan tahun 2019.

RT15/87

PEMBERITAHUAN PERTANYAAN DEWAN RAKYAT

PERTANYAAN : BUKAN LISAN

**DARIPADA : TAN SRI DATUK SERI PANGLIMA
HAJI ANNUAR BIN HAJI MUSA (KETEREH)**

SOALAN

Minta **MENTERI PERTAHANAN** menyatakan bilangan kuarters milik Kementerian yang akan dibaik pulih dan berapakah kos yang telah diperuntukkan bagi kuarters berkenaan.

JAWAPAN

Aspek perumahan menjadi agenda penting Kementerian Pertahanan khususnya dalam meningkatkan taraf hidup dan kesejahteraan warga tentera. Sehingga Januari 2019, Kementerian Pertahanan mempunyai pegangan Rumah Keluarga Angkatan Tentera (RKAT) sebanyak 54,239 unit dan 11,647 unit daripadanya rosak dan tidak dapat diduduki.

Pada tahun 2019 pihak kementerian telah diperuntukkan sebanyak RM120 juta melibatkan senggaraan biasa sebanyak RM70.523 juta manakala RM50 juta diperuntukkan untuk kerja-kerja menyenggara dan menaik taraf RKAT rosak yang tidak boleh diduduki. Dengan peruntukan RM50 juta ini, Kementerian Pertahanan akan melaksanakan senggaraan dan menaik taraf sebanyak 1,367 unit RKAT pada tahun 2019.

PEMBERITAHUAN PERTANYAAN DEWAN RAKYAT**PERTANYAAN : BUKAN LISAN****DARIPADA : TAN SRI DATUK SERI PANGLIMA HAJI
ANNUAR BIN HAJI MUSA [KETEREH]****NO. SOALAN : 89**

minta **MENTERI PEMBANGUNAN LUAR BANDAR** menyatakan status pembinaan lima buah Maktab Rendah Sains Mara (MRSM) melibatkan kos RM600 juta di Semporna, Sabah; Bagan Datuk, Perak; Ketereh, Kelantan; Bera, Pahang dan Sik, Kedah.

JAWAPAN

Untuk makluman Yang Berhormat, lima (5) MRSM yang diluluskan dalam RMKe-11 ialah MRSM Ketereh, Bagan Datok, Sik, Tanah Merah dan Bera. Status pembinaan MRSM tersebut adalah seperti berikut:

Bil	MRSM	Status
1.	MRSM Ketereh	Projek akan ditender semula secara terbuka dan akan dibentangkan dalam mesyuarat Lembaga Perolehan Kementerian.
2.	MRSM Bagan Datok	Dalam pembinaan (19.8%).
3.	MRSM Sik	Dalam proses pelaksanaan Value Management (VM) Lab sebelum proses perolehan dilaksanakan.
4.	MRSM Tanah Merah	Dalam proses pelaksanaan Value Management (VM) Lab sebelum proses perolehan dilaksanakan.
5.	MRSM Bera	Dalam pembinaan (22.35%).

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : BUKAN LISAN

**DARIPADA : TUAN HAJI AWANG BIN HASHIM
[PENDANG]**

SOALAN NO. 90

Minta **MENTERI PERTANIAN DAN INDUSTRI ASAS TANI** menyatakan apakah perancangan dan dasar baharu Kementerian untuk meningkatkan pengeluaran padi negara.

JAWAPAN

Tuan Yang di-Pertua,

Untuk makluman Ahli Yang Berhormat, antara perancangan dan dasar baharu Kementerian untuk meningkatkan pengeluaran padi negara adalah seperti berikut:

- i) melaksanakan penyelidikan dan pembangunan (R&D) secara berterusan bagi menghasilkan varieti baru yang dapat meningkatkan hasil dan rintang (tahan) kepada penyakit. Antara yang telah berjaya dilakukan adalah pengenalan varieti benih baru seperti MARDI Siraj 297, MR303, MR 307, UKM RC-2 dan UKM RC-8.
- ii) penggunaan benih padi sah yang berkualiti di mana sebanyak RM75 juta diperuntukkan pada setiap tahun bagi memastikan benih padi berkualiti dibekalkan kepada pesawah;
- iii) meningkatkan penggunaan mekanisasi dan automasi dalam aktiviti penanaman dan penuaian padi dengan memanfaatkan peruntukan di bawah program mekanisasi dan automasi Kementerian sebanyak RM150 juta dalam bajet RMKe11;
- iv) pengukuhan infrastruktur pengairan dan saliran bagi Kawasan Pembangunan Pertanian Bersepadu (IADA) di mana sebanyak RM1.395 billion diperuntukkan di bawah RMKe11;
- v) meningkatkan harga belian padi pada kadar RM1,200.00 per tan metrik mulai tahun 2014 bagi menggalakan penghasilan padi yang tinggi dalam kalangan pesawah;
- vi) meningkatkan kecekapan bantuan input bagi memastikan peningkatan produktiviti tanaman padi dengan melaksanakan program pemulihan tanah (*soil profiling*) bertujuan mengenalpasti tahap kesuburan tanah dan kesesuaian bantuan baja;
- vii) membangunkan Prosedur Operasi Standard (SOP) khusus pengurusan lepas tuai bagi membantu pengurangan kehilangan lepas tuai yang seterusnya boleh meningkatkan pendapatan petani; dan
- ix) memperkasakan aktiviti pengembangan melalui penubuhan *Farmer Field School* (FFS) di bawah Jabatan Pertanian.

Sekian, terima kasih.

**PEMBERITAHUAN PERTANYAAN LISAN DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : BERTULIS

**DARIPADA : TUAN HAJI AWANG BIN HASHIM
[PENDANG]**

SOALAN NO. 91

Minta **MENTERI PERTANIAN DAN INDUSTRI ASAS TANI** menyatakan mengapakah peruntukan untuk racun padi dan baja yang sudah diluluskan tetapi tidak sampai kepada petani dan bagaimanakah Kementerian ingin menyelesaikan masalah ini.

JAWAPAN

Tuan Yang di-Pertua,

Untuk makluman Ahli Yang Berhormat, pada tahun 2019 Kerajaan telah memperuntukan sebanyak RM232.5 juta bagi pembekalan baja di bawah Skim Baja Padi Kerajaan Persekutuan (SBPKP) dan RM281.5 juta bagi pembekalan komponen di bawah Skim Insentif Pengeluaran Padi (SIPP) seperti baja NPK Tambahan serta racun.

Kementerian tidak menafikan terdapat kes-kes kelewatan pengagihan yang berlaku, namun Kementerian percaya bahawa insiden berkenaan adalah merupakan kes-kes terpencil yang telah pun dapat diatasi. Kementerian ini memandang serius dan amat mengalu-alukan sebarang maklumat, sekiranya ada, berhubung kes-kes kelewatan penyaluran atau pengagihan bantuan berkaitan. Kementerian ini juga bersedia untuk meneliti sebarang proses pengagihan bantuan yang perlu diperbaiki untuk manfaat kumpulan sasar yang berkaitan.

Sekian, terima kasih.

PEMBERITAHUAN PERTANYAAN DEWAN RAKYAT

PERTANYAAN : BUKAN LISAN

**DARIPADA : TUAN HAJI AWANG BIN HASHIM
[PENDANG]**

SOALAN : 92

Tuan Haji Awang bin Hashim [Pendang] minta **Perdana Menteri** menyatakan apakah pihak Kementerian akan merancang untuk mengadakan sebuah bentuk insurans yang sama seperti insurans *1Care* iaitu potongan gaji daripada kakitangan awam untuk insurans namun tidak disetujui dan dikaji semula.

**JAWAPAN: YB DATUK WIRA DR. MD FARID BIN MD RAFIK
TIMBALAN MENTERI DI JABATAN PERDANA MENTERI**

Tuan Yang di-Pertua,

Untuk makluman Ahli Yang Berhormat, Kerajaan tidak merancang untuk mengadakan insurans seperti insurans *1Care* melalui potongan gaji kakitangan awam buat masa ini. Berdasarkan peraturan semasa, penjawat awam dan ahli keluarga yang berkelayakan adalah layak menerima kemudahan rawatan dan perubatan secara percuma (ditanggung oleh Kerajaan). Oleh yang demikian, tidak ada keperluan untuk penjawat awam membuat potongan gaji bagi mendapatkan rawatan dan perubatan tersebut. Walau bagaimanapun, atas keprihatinan Kerajaan terhadap kebajikan semua penjawat awam, kajian mengenai penambahbaikan kemudahan perubatan dan kesihatan kepada penjawat awam akan dilaksanakan secara berterusan.

Sekian, terima kasih.

PEMBERITAHUAN PERTANYAAN BUKAN LISAN DEWAN RAKYAT

PERTANYAAN : BUKAN LISAN

DARIPADA : TUAN HAJI AWANG BIN HASHIM [PENDANG]

SOALAN NO. 93

Minta **MENTERI KESIHATAN** menyatakan apakah syarat-syarat yang diperlukan oleh seseorang doktor swasta untuk memperbaharui Sijil Amalan Tahunan (Annual Practising Certificate) mereka.

JAWAPAN

Yang di-Pertua,

Majlis Perubatan Malaysia adalah sebuah badan regulatori yang ditubuhkan di bawah Akta Perubatan 1971 dan telah menjadi sebuah badan berkanun persekutuan mulai 1 Julai 2017. Seseorang pengamal perubatan yang ingin mengamal di Malaysia harus memohon untuk berdaftar dengan Majlis Perubatan Malaysia selaras dengan Akta Perubatan 1971. Pengamal perubatan berdaftar penuh yang hendak menjalankan amalan sebagai seorang pengamal perubatan harus memohon kepada Pendaftar Majlis Perubatan Malaysia untuk memperolehi Sijil Perakuan Amalan Tahunan atau Annual Practising Certificate (APC).

Akta Perubatan (Pindaan) 2012 dan Peraturan Perubatan 2017 telah berkuatkuasa mulai 1 Julai 2017. Majlis Perubatan Malaysia pada mesyuarat ke 384 yang telah bersidang pada 19 Februari 2019 telah memutuskan bahawa selaras dengan Peraturan 28, Peraturan Perubatan 2017, semua pengamal yang memperbaharui Sijil Perakuan Amalan Tahunan 2020 wajib memperolehi 20 mata pembangunan profesional berterusan (*Continuous Professional Development / CPD*) dan digalakkan untuk memperolehi Perlindungan Tanggung Rugi Profesional (*Professional Medical Indemnity*) manakala semua pengamal yang

NO SOALAN : 93

memperbaharui Sijil Amalan Tahunan 2021 wajib mempunyai 20 mata (*Continuous Professional Development Points / CPD Points*) dan Perlindungan Tanggung Rugi Profesional (*Professional Medical Indemnity*).

Sekian, terima kasih.